

E Manga Kataia Riki Raina

Iroun Jane Choate

(E boboto i aon te karaki ae koaua)

E riki te karaki aei i USA.

Emanga wareki taekan te katanoata n ana reirei Raina. *Kauaaba n te Koro Karaki: E na karekea te mwananga nako New York City ae akea boona!*

Bon te kauaaba ibukiia ataein te reirei n reirei aika a mwaiti n te aono. E iangoia i New York City Raina, ma taua aika a rangi n ririeta ni katobibiia ao te Boua ae Liberty ae uakaan. E tangiria ni kan nako!

“Ko bon riai ni karin,”

“Anne te kabanea n tai ae N na manga kataa te bwai ae boou,” e taku Raina.

e taku Sydney. “Ngkoe te kabanea ni bwakuaku irouia ara roro!”

E kaungaa nanon Raina ana taeka Sydney. E aki rang atatai ni korean te karaki. Ma e kan kataia.

I mwiin te reirei, e tekateka Raina n ana tetitke. *Taebu, taebu, taebu.* E karebwerebwea ana bentira i aon te beeba ngke e karioi ana iango. N tokina, e a waaki ni koroboki.

E bane ana wiiki Raina ni kabanea ana koroboki. Ma man ana ibuobuoki Tinana, e a namakina te tauraoi ni karina ana koro karaki.

A nako tabeua wiiki. E ingainganga Raina ni kan nooria bwa antai ae moanna. Tao bon te tai ae

tawe e na nako New York!

“E raka i aon teububua ataei ake a karin,” Mr. Wright e taku mai moa n te kiraatiruum. “Kam bati n rabwa ngkami ni kabane ake kam a tia ni korei ami karaki.”

E bukibuki manawan Raina ma te ingainganga.

“E ngae ngke akea irouia ara ataei ae moanna n te kauaaba, aran Raina ngaia temanna

ibuakoia niiman ake a moan ara n te karinrin. Ara Katekeraoi nakoim, Raina,” E taku Mr. Wright.



KAWATAAANI KOROTAMNEI IROUN VIVIAN MINERER

E moangare Raina ao a uboubo raona n reirei. Ma e rangi n un i nanona. Temanna ibuakoia ake niiman mai eta akea tamaroana nakon te moanna. A bua miina n kan noora New York.

Ngke e roko ni mweengana Raina, e tekateka ma akean ungan nanona i nanon te umwanikuua i rarikiia ana karo. “I konaaki n te kauaaba,” e taku. “Anne au kabanea n tai ni manga kata riki te bwai ae boou. N na ti karaoa te bwai ae I ataia ae I rabakau iai.” E rabuna atuna ni baina.

“I rawawata ngkai ko aki moanna. Ngai ma tinam ti uaia ni kakatonga iroum ngkai ko kataia,” e taku Tamana. E tekateka i rarikin Raina. “Ko uringanga ngke akea au mwakuri uoua te ririki n nako?”

E katoutoua atuna Raina.

“I kata rakeu ni mwakuri aika a mwaiti ao bon akea naba teuana ae butimwaeai.” e taku Tamana. “I bon namakina te bwarannano.”

E euta atuuna Raina. “Ko koaua rai?”

E katoutoua atuuna Tamana. Ma e aki bwara nanou. I mwiin te tai ae maan, I a kunea te mwakuri

ae bon bootau raoi. Ma e na bon aki kona n reke ngke arona bwa I katoka kataakina.”


E toroba nuukan Raina ni baina Tinana. “Ko ataia bwa iraua te rongorongoa ae I kanakoa nakon maekatiin aika a kakaokoro?” e titiraki tinana. “Ao iraua aika a totokoaki? Ma I aki bwarannano ngkana I tangiria ni kan noora au mwakuri bwa e na boretiaki. E kakaawaki te koroboki irou, ngaia are I teimatoa ni kataia.”

E aki toki n iaiangoia n taainako Raina bwa ana karo a rang mwaatai ni bwaai ni kabane ake a karaoi. E aki ataia bwa ngaia a tia naba n aki butimwaeaki.

E bon teimatoa n nanokawaki, ma e tara n nanobaba ngkana e aki manga kata riki te bwai teuana ae boou. Anne ae aki tangiria Tamara are i Karawa ibukina. E baireia Raina bwa e na aki manga bwarannano. E kona ni karaoi bwai riki aika a mwaiti, riki bwaai ake e aki rang mwaatai iai ngkekei naba.

“I taku bwa N na manga kata riki te kauaaba n te ririki are i mwiina,” E taku Raina. Konaakina n te kauaaba e aki katoka karokoana ni miina.

E nakon ana taibora Raina ao



e anaa ana bentira. E rangi ni kauna te koroboki. *Taebu, taebu, taebu.* Ngaia are tera riki ae boou are e na koreia i mwiina? ●



“E tatangira te kekeiaki te Uea, ibukina bwa te kekeiaki e uotii kanuanga ake a aki kona n roko ngkana aki karaoaki.”

Beretitenti Russell M. Nelson, n ana marooro are e maneweaki iroun Joy D. Jones, “An Especially Noble Calling,” *Riaona*, Meei 2020, 16.